

北洋官報

目錄

宮門抄 電旨 交旨
 奏議○郵傳部奏改良北京電話摺△東陵守護大臣奏
 禁烟情形摺△又奏請撥禁烟經費片△鄂督陳奏未
 報部各款陳明立案摺
 公牘○督憲札一件△吳丞堂呈一件△肅甯縣票一件
 △河南開封府稟一件
 文告四則△電報五則△新聞十四則
 彙編○蕪州農事試驗場簡章△又陳列所簡章△華商
 銀行集股章程
 圖書○湖北宜昌第三圖

本局報今日加印照片一頁
 本局第一百二期法政學報已出

宮門抄

五月初八日 陸軍部 鑾輿衛 廂白旗值日 出使大臣楊樞請
 植公各請假十日 楊士琦續假十日 松公續假五日 惠銘 溥琦 趙炳麟 徐定超 史履晉 葉
 芾棠 晏安瀾伺候 召見 吏部奏派揀選官缺 派出葛寶華 張英麟 郭曾忻 毓隆 召
 見軍機 楊樞 晏安瀾 惠銘 溥琦 趙炳麟 徐定超 史履晉 葉芾棠 楊樞胡思敬各遞封奏
 一件

電

旨

五月初八日奉

旨瑞激電奏悉江蘇地方緊要著迅即到任毋庸來京陛見欽此

交

旨

五月初八日 軍機大臣欽奉

諭旨出使比國大臣楊樞奏開用關防日期一摺知道了欽此

奏議錄要

郵傳部奏改良北京電話購換新機摺

奏爲改良電話購換新機以利交通恭摺仰祈

聖鑒事竊查北京電話於光緒三十年向丹商收回自辦原爲

挽回利權開通風氣起見時以用戶無多購置機器僅數百家之數租賃民房權爲開辦近年用戶日增陸續敷設至一千五百餘家器小用多已形竭蹶而掛號未設者尙有一千餘戶實因機器太小苦難徧設勢非籌換新機改訂辦法無以爲擴充之用上年電政局總辦候選道周萬鵬本部司員吳桂靈前赴蒲京萬國電政會當經臣部飭令便道考查東西各國電話辦法以圖改良並令北京電話總局將東西各洋行開具機件價單詳細比較呈候核奪在案旋據該局稟稱查那威電氣會社德國西門司會社莊孫斐利布會社英國費魯斯卑會社美國電氣會社及泰昌瑞記等洋行所開總局暨南分局需用交換新機價目各有不同當即督飭洋工程師司辻野朔次郎詳細比較以美商電氣會社爲最廉將各賬單彙呈核辦前來臣等查電話一項最便交通於行政商業均有關繫亟應改良完備以饜人意當即飭令電政局與美商詳細選訂機件磋商價目核減再四八折之後復扣九五所有回用使費一律刪除以歸核實現在議定總分兩局機器電纜話匣機筒及裝設各項費用計實價銀二十八萬餘兩將來可敷六千家之用查核現在用戶情形可得三千戶之數以月租五元算之常年應收十八萬元將來逐漸推廣約計二三年後尙可倍增此項電話係有營業性質子母相權實在有盈無絀購機經費不至無著又北京電話原有總局一處分局四處現除總局照舊設立外其餘四分局擬擇一適中之地歸併一處以節糜費其購買機器改蓋房屋應用款項卽由臣部飭令電政局設法籌措分年由電話收費項下墊還以清款目除咨度支部查核外所有改用電話購換新機以利交通緣由謹恭摺具陳伏乞

皇上聖鑒訓示謹

奏宣統元年四月三十日奉

旨已錄

東陵守護大臣載瀛等奏辦理禁煙情形摺

奏為辦理禁煙情形遵 旨切實覆陳恭摺仰祈

聖鑒事竊奴才等恭閱邸鈔宣統元年二月二十四日奉

上諭禁煙一事乃今日自強實政教育大端萬國屬目贊助同殷特此再行申諭文武職官責之禁煙大臣及京外各衙門長官務須認真糾查不得徇情避怨京外各衙門接奉此旨後各將如何辦法切實覆奏等因欽此仰見 朝廷廓清醜患祛弱圖強利用厚生之至意欽服莫名奴才等自上年五月間欽奉禁煙 詔旨之後

遵即照章分別切實舉辦除禁煙一事應令遵化州體查地方情形詳請直隸督臣酌覈辦理外一面先將附近街市煙館一律查禁勸令改業如敢影射違章立予嚴懲一面出示剴切曉諭軍民人等咸使悔過自新發奮圖強早為戒斷設立禁煙公所揀派郎中明盛哲克東額麟祥熙麟員外郎博爾爾莊武榮賞翼長榮蔭恩華認真辦理奴才等訂期公同進署當將所屬文武大小官員傳齊當堂查驗除確無嗜好之員照章飭取甘保各結以備存查外凡係沾染煙迹分別已斷未斷如已斷者飭取以後永不吸食切結加具同官保結未斷者由奴才等寬予假期使之安心戒斷痼疾漸除限滿戒清呈由公所委員稟請調驗奴才等體查情形早經戒斷與現斷各員尚無捏飾朦混之弊業經奴才等遵照禁煙大臣咨送禁煙查驗表式分別填註造冊咨覆此以前辦理禁煙之實在情形也奴才等更有請者竊以禁煙一事端在禁種次則禁賣禁種以絕其源禁賣以遏其流來源既竭吸食者當不禁自斷矣現經奴才等公同籌商凡屬旗營地面煙館既已肅清土膏亦應一律禁賣當經諭令公所委員查明營業舖商存土若干一律禁賣督同彈壓街道官兵並剴飭駐紮北洋巡防淮軍管帶葛振全選派弁兵勒限將存土運出境外仍令隨時週歷梭巡嚴密稽查如有面生可疑挾帶洋藥土膏私販無論軍民立即拿獲從重懲辦如此辦理庶較嚴於禁吸尤有把握至戒斷各員遵照此次禁煙大臣奏定章程每屆三個月概令加結一次仍由奴才等督同公所委員隨時認真查訪每屆一月於公所調驗一次如有情形可疑之員留所查看七日後委無形迹方准出所倘有不知振作戒斷復吸或公所委員扶同徇隱經奴才等查出立即據實嚴參不敢稍事姑容用副 聖主政治維新作育生民之望所有奴才等辦理禁煙事宜大概情形遵 旨切實覆陳理合恭摺具奏伏乞 皇上聖鑒謹 奏宣統元年五月初四日奉 硃批該衙門知道欽此

又奏請撥禁煙經費片

再奴才等前因欽奉 諭旨辦理禁煙事宜於上年五月間遵即設立禁煙公所並租賃寬敞廟宇設立禁煙局以爲寒士官員兵役等素染嗜好戒斷無力者准予入局服藥戒斷以資接濟而期踴躍遵委勤慎司員翼長認真妥爲經理等因業經奴才等於本年閏二月間咨報禁煙大臣查照在案惟是所需員役飯食薪水辦公紙張購買戒煙丹丸藥劑租賃房價等項自開辦之日起至現在共用過銀八百九十五兩六錢一分九釐俱係奴才等暫飭該司員等設法籌墊實無另款可籌且此後調驗稽查尤爲緊要辦理不容稍懈爲日方長需款正殷當飭承辦各員力求撙節用款勿過浮冒茲據該司員等稟稱現在極力核計每月需銀二百六十四兩等情據此奴才等詳核開列各項實屬無可再減惟有援案開單請 旨飭下直隸督臣在於司庫項下暫撥銀二千兩除歸前墊下餘銀兩如不敷用續請籌撥用資接濟所有請撥禁煙經費緣由謹附片具 奏伏乞 聖鑒訓示謹 奏宣統元年五月初四日奉 硃批著照所請該衙門知道單併發欽此

謹將禁煙公所每月應需經費銀兩數目繕具清單恭呈 御覽 計開 一總理一切事務官八員每日二員輪流值日每員每月支給津貼銀四兩 一查驗官十六員每日四員晝夜更替每員每月支給津貼銀三兩 一搜檢稽察官二員每員月支給津貼銀三兩 一書役四名傳差二名勇丁二名共八名每名每月支給津貼銀三兩 一更夫雜役六名每名每月支給工食銀三兩 一每月飯食銀一百二十兩 一每月燈燭薪水銀六兩 一每月租賃房價銀十兩 以上每月共需銀二百六十四兩

湖廣總督陳夔龍奏鄂省未經報部各款陳明立案摺

奏爲查明鄂省司關道局未經報部各款遵章陳明立案恭摺仰祈 聖鑒事竊照前准度支部咨議覆御史趙炳麟奏整理財政一摺內稱外銷各款乞 飭下各將軍督撫等通盤籌畫悉數奏明嗣後便當作正開銷等因現又准度支部咨清理財政章程第五條內開各省出入款項截至光緒三十三年年底止概作爲舊案其歷年未經報部者分年開列清單併案奏銷等因均經先後轉飭一體遵辦茲查明湖北各署局未經報部各款其隸於藩司者曰清查三成裁減役食二成文職捐廉科場經費官役俸工各屬公費抵補藥釐漕南盈餘督漕公費其隸於

江漢關道者曰火油池捐紅茶補釐堡工經費一五經費發商生息其隸於鹽法道者曰雜款公費准鹽商捐雜款應城井鹽新捐釐金江工餘贖款善資捐款其隸於善後局者曰釐金申款新關餘存公用洋油釐金籌防捐船捐漢鎮行戶商捐質當練兵雜款捐以上外銷各款或湊撥練兵或接濟學堂或津貼各署辦公或籌備地方善舉雖未報部有案要皆實在應用之要需相應請 旨飭部一併立案以便由臣督飭該司關道局遵照新章於光緒三十三年調查報告冊內截結列叙並於三十四年現行報告冊內歸併正款列收造報惟此項外銷款目溯其緣起有已歷四五十年之久者如需逐一造銷實屬無從著手合無仰懇 天恩俯准將光緒三十三年以前外銷各款免其分年開報以省繁牘據湖北布政使李岷琛江漢關道齊耀珊鹽法武昌道馬吉樟善後局司道等先後具詳前來除將該署局外銷各款收支約數咨部查核並飭續行詳報以憑隨時具 奏外理合恭摺具陳伏乞 皇上聖鑒訓示謹 奏宣統元年五月初四日奉 硃批度支部知道欽此

公牘錄要

督憲楊准學部咨禁用上海彪蒙書室教科書札飭提學司轉飭遵照文

附清單

為札飭事宣統元年四月二十六日准 學部咨開總務司審定科案呈教育之道以教科書為重要教科各書當以切實為歸不可舛誤又以淺深為序深者不可繁蕪淺者不可鄙俗查上海彪蒙書室所編教科書惟繪圖蒙學實在易一種經本部審定作為宣講所用書餘均以其不合概不審定現據奉天咨送學堂一覽表內載遼陽州所屬各小學堂讀經一科皆用該書室所編四書新體速成讀本教授實足誤學童而滋謬種他處恐亦不免合將駁斥各書之批語彙印通行嚴禁除札飭各提學使外請煩貴督部堂查照并再嚴飭該提學使遵照辦理可也等因到本督部堂准此合行札飭札到該司即便移行遵照辦理此札

計開 繪圖識字實在易 此書純列單字毫無興味與字課圖說無異不合教科之用 繪圖四書新體速成讀本 書名已屬費解中說大學明德忽囂入德律風天下平忽囂入水平並各繪一圖更足疑誤後學諸如此類不一而足萬無審定之理 繪圖蒙學造句實在易 不合教科之用 繪圖速通虛字法正續編 不合教科之用 繪圖蒙學修身實在易 不完全後二册尤不合通俗教育 繪圖中國白話史 書名已不可解而書中所演

如頭子許都棄掉位子等語又多攙入土話第七課平王沒有本領第八課戎狄常來中國吵鬧三十六課在西漢時候有賈誼董仲舒孔安國許多人專講解經義的在東漢的時候有馬融鄭元鄭衆許多人專講解字義的尤屬似是非而非諸如此類舉不勝舉貽誤後學不淺應不審定 繪圖蒙學中國歷史實在易 此書即中國白話史

繪圖外國白話史 少興味世界史通俗教授似可從緩 繪圖蒙學中國地理實在易 非教科用書 最新初

等小學地理教科書及教授法 體例尙合錯誤太多其尤謬者如謂古時風俗男女皆束髮入 本朝以來男子

垂辮女子喜纏足又謂尊孔不過藉收漢族之心倘以此教授兒童流失敗壞不堪究詰矣 最新初等小學國文

教科書及教授法 大體尙合惟取材甚略解說亦欠完密教授法殊少精義提問項下擬加之字亦多呆相 最

新初等小學修身教科書及教授法 每課先標宗旨次及教授法末附習問編輯尙見用心惟取材太儉似皆從

神販而來往往引後遺前且有舛誤所列圖畫不合歷史實狀教授法與教科書往往有違異之處此外可議者尙

多不足爲完全之本 最新初等小學中國歷史教科書及教授法 編輯尙屬簡要惟敘事無法往往源委不明

又或陳義過高不合兒童程度 最新初等小學筆算教科書及教授法 繁蕪重複毫無次序又私創算式謬造

新字於初學大有妨礙 最新私塾改良教科全書 是書凡例共四十册茲先呈五册意在將各科分配用心未

嘗不善惟上學期中讀經講經每課僅祇一句殊嫌割裂仲尼閒居曾子侍坐注疏本無閒字坐字此殆依僞古本

實不足據餘科各課亦多未合淺深之序所繪各圖尤惡劣且多舛誤首列雷峰夕照圖更不可解應毋庸審定

吳廳丞錢孫等呈擬照違警律酌訂取締馬車傷人辦法乞示遵文並批

爲呈請事竊維津埠華洋雜處馬路四關車馬喧闐不絕於道雖曾訂有取締人力車規則而於取締馬車之法缺

焉未備當思所以補救之方查近來內地營業馬車及自養馬車日漸增多其馬夫僕役率多愚賤無知識之人以

爲坐馬車者非顯宦即富商遂至憑權藉勢往往於肩摩轂擊多人聚集之區揚鞭疾馳甚至不分道路左右任意

攙越以致撞倒行人碰翻洋車傷人之事層見迭出與其事後責令賠償曷若事前懸爲厲禁伏查 民政部 奏

定違警律第四章關於交通取締車馬條內僅言及於多人聚集之處及灣曲小巷馳驟車馬或爭道開車不聽阻

止者處以五元以下一角以上之罰金並未明訂傷人者如何處治蓋以車馬殺傷人律例本有專條故違警律不

載此也今擬遵照警律酌訂馬車傷人辦法嗣後如馬車於多人聚集之處及灣曲小巷馳驟車馬或爭道開車不聽阻止因而傷人者無論官商營業自養皆處以三十元以下之罰金傷重者應送審判廳訊辦使各馬夫曉然於罰金之重有所憚而不敢犯俾得預防危險保全性命於無形如蒙批准擬即出示曉諭並通飭各局區遵照辦理所有擬訂取締馬車傷人辦法緣由是否有當理合具文呈請 大帥查核伏乞 批示祇遵 督憲楊 批來呈閱悉應准照辦希即出示曉諭分飭各局區遵照並移審判廳知照此覆

肅寧縣李令士田通稟開辦小學堂觀摩會情形文

敬稟者竊人以競爭而愈奮學以觀摩而益成觀摩者競爭心之導線也方今全球交通萬國錯處若兵若農若商若工無一不爲劇烈之競爭要皆推本於教育是教育爲諸般競爭之發原而初等小學又教育競爭之起點也查卑縣初等小學堂計共七十七處學生一千四百五十六人卑職到任以來注意內容以振作其精神志氣爲要義迭飭勸學總董周歷查視攷其功課榜其優劣卑職亦隨時往查演說勸勉惟是鄉居潛修寡見鮮聞易生自高自畫之心若一旦置諸廣衆之場彼此相形優絀立見絀者知恥優者益奮精神既振進步自速此觀摩會所以爲必要之舉也卑縣先期訂定開會及獎勵章程通知初小各學堂於四月初一日開會是日到會學生九百二十五名教員學董百餘名此外高等小學堂及改良私塾參觀者數處計共一千二百餘人草帽操衣操靴一律新鮮齊整鼓號前驅隊伍分列頗有形式上之精神絕無腐敗氣象開會時先以唱歌和以風琴其內堂課目爲計算競爭地理競爭書字競爭講經競爭外堂課目爲百步競走五尺跳高恐後爭先躍躍進取絕無紛譁蠻野之氣隨時分判高下榜列甲乙前五名分別學生獎勵學堂獎勵其獎品爲最新萬國地圖及圖畫毛筆鉛筆格本等事并普通給手巾各一方適省視學到縣蒞會公同攝影以爲紀念此次佔競爭之優點參以平日之攷察自以馬家莊初等小學堂爲最優該學堂平日教授管理及學生成績堪爲闔邑學堂之冠城內模範學堂及大湖莊東泊莊西關十里舖韓村南頭等學堂次之傅家佐魏家莊大史堤大曲堤戴劉莊于家莊東答等學堂又次之私立以西關孔氏學堂爲最優西關改良私塾次之其餘均有普通之程度非同敷衍計全會終始時經一日數逾千人均各秩然有序肅然無譁并無纖微風潮及腐敗陋劣之氣雜於其間固由該總董佈置有方而令行禁止競爭文明亦足見各教

員之教育有素既無浮囂之氣自具進取之心經此一番鼓舞當必益加奮勉蒸蒸日上除由卑職仍隨時認真經理力求進步外所有卑縣初等小學堂開觀摩會緣由理合稟請 大人查核肅此具稟恭請 勛安伏乞 垂鑒

河南開封府稟撫院設立自治研究所并擬招考獎罰章程文

敬稟者竊卑府恭讀上年進呈憲法詳載歷年應辦事宜選舉議員城鎮鄉地方自治與自治研究所成立均應本年籌辦節經憲台札飭欽遵認真次第推行在案值此時局艱危正臣子寢饋難安勵精圖治之際卑府忝膺首郡國運方新敢不勉竭駑鈍與民更始惟豫省深居腹地風氣之樸陋遠不如濱海各省之開通國家既與人民以公權人民應為國家負重任如不先事豫籌倉猝從事遽以被治之性質被以輔治之機關弊不流於虛衍即將涉於囂張度勢接時良用惴惴欲盡變通之妙急思練習之方凡屬士民非庸以法律知識不能植立憲之根基非普及政治思想不能結自治之團體為特遵飭設立自治研究所養成佐治之才以應當務之急參照法政學堂辦法按法政各科學地方自治制度遴選熟悉法政員紳體中用外將革命平等不與國政不納租稅以及民法之私生子有礙主權關係宗教等情事酌量刪節或加按語與士民截短取長啓發講求以下抑浮動之人心上固國家之命脉所有開辦費員紳薪水以及一切開支雜用遵照部章酌收學費以資補苴如有不敷即由卑府自行籌辦以濟公用約六個月畢業隨時考驗給予憑照預備地方自治之用除飭各屬一體設立研究分所並擬招考簡章獎章罰則以昭懲勸而肅規則一併開摺呈請憲台立案是否有當伏乞鑒核飭遵施行

文告錄要

方略館榜示○為榜示事照得本館現取定供事五十四名自第一名余其貞起至三十四名孫兆彩止於本月初

十日辰刻在政治官報局發給門照該供事等務須屆時携帶筆墨以便核對字跡毋得自誤其餘三十五名孫懋銑以下聽候傳到特示 計開 余其貞 王家賢 劉時傑 趙叙倫 費祖燕 鄒成九 張作霖 石

耀翔 王家棚 賀奠洋 石光曦 趙鴻元 胡家父 張實聲 譚華文 戴成懋 李錫庚 杜文甫

劉潤民 廖崇辰 耿葆淦 王其康 彭懋修 潘子純 劉鐸 楊嘉麟 薛浩然 陸大中 王銘泰

饒衍馨 熊慶麟 樊秉謙 劉桂芬 孫兆彩 孫懋銑 呂樹仁 王調鼎 劉宗昆 蘇豔彰 帥濟笙

方錫齡 周仁燦 任曜楮 李如松 韓樹春 吳瑞洪 夏清高 易廷廣 王世翰 樊桐恩 鄧士樞 吳曾源 胡希賢 程立堂

督憲批示錄要○保定軍械局詳覆遵飭酌擬換撥巡河水師各船需用槍砲等項請示由 批據詳已悉候行天津張鎮查照繳○滄州駐防防禦國詔等稟 批據稟已悉此項銀兩已否解交河南司庫兌收此外有無應追虧款候咨河南撫院飭司查明見覆以憑核辦仰即知照此批○河間縣民人王得祥稟 批此案該縣如何訊斷仰河間縣據實錄案詳覆以憑察奪抄稟批發串附

臬台批示○棗強縣商人王光謙來司呈控一案 批如果爾弟王輝臣並無私賣煙土私開煙燈情事該捕廳豈有將其責押之理詞不近情顯係飾瀆惟控關差役詐贓虛實均應澈究該縣應早公回姑候札飭該縣迅速傳集被證秉公訊究據實詳覆核奪○成安縣從九品張清渠來司呈控一案 批該職伯父張萬選病故乏嗣張潘氏立該職之兄張信爲嗣經由周縣盛令訊斷立有繼單硃筆判語其爲昭穆相當可知張潤身等何致因張信病故覬覦遺產串同董張氏等爭繼奪產迨至該縣傳訊又何致將該職之姪張勤責押呈詞顯有不實既據控府飭縣訊斷有案候札催該縣作速傳訊斷結具報張勤如果在押患病併候飭縣取保飭醫一俟醫痊再行傳案質訊該職卽回縣候訊可也○衡水縣村正張景星來司呈控一案 批呈詞含混支離顯有不實不盡且該縣如何訊斷本司衙門無案可稽姑候飭縣作速錄案詳奪

保定工巡總局批示○張登村村正王仁林等具稟一案 批劉玉魁形跡甚屬可疑應候澈訊擬辦不得率請保釋

電報錄要

路透電○法國議院議員現將調查海軍情形之報告宣布謂法海軍現在諸事紛亂近十年雖費去一萬二千萬鎊之款而海軍地步居於德國之下德海軍所用經費較少於法國法國各戰艦之軍械數年後卽不堪用地中海練習槍砲之事近亦廢弛各處存儲不合同用之藥彈甚夥現在仍有製造者法國各船廠無一處能容留新式大戰艦現在借用巨款爲建設新船廠之用而各殖民地之費用亦巨

柏林電○英外部大臣葛雷氏在下議院宣言現在列強議在克里德島停泊兵艦以便保護回教之人

又電○美首相兼外部大臣克納葛斯氏擬往英京一遊

又電○美總統戴夫德氏擬派美國商務大臣納智洛氏往中國日本檀香山等處考查商務

又電○德皇在漢伯克演說德國製造快艇之工藝現在佔據保守本國造艇工藝之地步德國改良財政辦法甚願眾人同心贊成此次與俄皇在比智爾克地方相會實係爲保守大局和平聞德皇現由克斯哈温地方經過前往齊爾港

新政紀聞

政治

電催地方自治成績○憲政編查館因地方自治一事爲憲政上之基礎自奉 旨頒布章程以來已經數月雖

經歷次督催而各省大府未經覆報者甚多刻該館又奉 諭旨督催責無旁貸已電致各省大府速即嚴飭

所屬將辦理之成績列表詳報以便稽查

自治研究所節費○浙省諮議局籌辦處具稟撫院略謂本處所擬全省地方自治研究所開辦經費預算表內開

講堂休息室預備費約三百元係從至少之數計算如須各種佈置周全不敷尙多查省城舊有工藝傳集所原

係官款辦理凡講堂休息應用各種桌椅所存甚多自光緒三十三年停辦後堆積無用殊屬可惜本處現在籌

辦全省地方自治研究所擬即暫行借用如尙有缺少之處再行酌量添購本處爲節省經費起見伏乞憲台察

核批示一面由本處將應用各件開單移請農工商礦局照發一俟研究所竣事仍行如數歸還云云現奉增中

丞批准並行農工商礦局遵照辦理

學務

稟請發還成績稿本○京師大學堂稟呈學部云前呈核閱之該堂師範預備各生筆記成績圖畫稿本請閱畢迅

速發還以便轉給云

組織科學研究會○京師各學堂現屆夏令均漸放假聞有某學堂學主余慎齋陸子奎等君擬聯絡各學堂組織

科學研究會以爲各生隨意研究各項科學以消長夏藉資觀摩現正籌畫一切

訂期開第三次觀摩會○天津教育會致各小學堂函云啓者現擬暑假期內各堂聯合開辦第三次觀摩會會期

訂於六月初七初八初九等日會場假河北金華橋東藥王廟小學堂務祈貴堂將各種成績於五月二十四日至二十八日送交藥王廟小學堂代收以便分科陳列屆時觀覽并請貴堂各職員在會期內每日公推一二人赴會(女學及鄉學不拘此例)分任職務爲盼

學務公所開議題研究會○奉天提學司舉行學務議會一節茲聞初一日提學司先在公所開議題研究會率同議紳書銘戴裕忱李懋春曾有翼及教育總會正副會長等將各科員與議紳監督校長等所擬議題逐條詳行研究以爲異日發交各屬所舉士紳會議之預備云

財政

調查鹽斤專賣辦法○度支部因現在各省鹽政積弊甚深一時整頓誠爲不易前曾提議各國鹽斤由官專賣之辦法擬議參照辦理惟此事關係甚大略有不合反致紊亂現擬由部特派專員分赴各國調查一切辦法再行詳加核議以定取擇

派員催提蘇常房捐○署蘇藩左方伯以上年秋冬兩季收册蘇常兩屬積欠捐款尙多因特遴派曹炳文大令馳往該屬會同地方官催飭剋日清解到省以重公款

續訂抽收煤油釐稅辦法○湘省煤油釐金前由牙釐總局訂章詳請湘撫核准概由入口之城陵磯釐局一道抽收每箱抽錢五十文其自雷灣入境不由城陵磯經過者准在雷灣局按照城陵磯章程一體完納業經示諭在案現在以入口之貨多係整數大宗其分運各埠者則囤銷起卸不免紛歧亟應續訂規章以資遵守現由牙釐總局擬定辦法四條分別限制除通飭各局卡遵照外已經出示曉諭各商民一體知悉

民事

擬編每月禁煙一覽表○禁煙王大臣以禁煙一事迭奉 明詔現擬詳查京外各處吸食斷淨者共計若干分

別繕表每月進呈一次以覘效果

通飭調查集衆會場○奉天巡警總局傳知各分局云查集衆會場(如皇會演說會教育商務諸會有關治安風紀暨廟會)應調查清晰以資設法管理著即詳細調查各該局界以上各項有若干處所並每年月或每星期

開會起止日期詳細填表呈覆切此傳茲悉各分局奉到傳諭後均即遵照辦理矣
禁煙公所詳定辦事規則○兩江禁煙公所具詳酌定各科辦事細則乞即示遵奉江督端午帥批云所擬該所各

科辦事細則共一百六十餘條均屬周密而於調查禁制之事尤屬周詳至擬換牌照一次減癮一成未及三年即可全淨誠如來詳縱不能如期取效亦不致延過八年亦猶本部堂去秋全行禁種之意也候即連同前次總章一併通行俾資遵守仰即會同巡警局各派員弁分區調查趕緊給發牌照毋稍延緩其牌照捐辦法即照財政局章程辦理開所將逾一月章程現既詳定該司等應即督同提調督飭科員迅速進行總期持以毅力貫以精心必計日以程功庶尅期而收效在事各員如果辦事得力必照部章獎勵倘有敷衍塞責本部堂亦決不姑寬各員其勉之

實業

江西物產總會事務所成立○贛省勸業道傅莒生觀察因奉江督端午帥派委梅觀察光遠到贛調查出產各物並在贛開辦物產總會事務所一區以爲調集本省出產陳列之所經傳觀察於四月十八日在百花洲陳列所內開會集議當以陳列所爲事務所設正監督名譽監督副監督各員分爲文牘調查陳列庶務四部每部設創立員並司事一人除司事支給薪水餘均義務不日通飭十四府州開辦分會事務所以便調集出產到省陳列並轉解赴賽會茲將該所派定職員姓名錄下 正監督傅春官 名譽監督喻兆蕃 副監督劉鳳起會秉鈺熊元鎰賀贊元龍鍾伊 文牘部陳泰階戴秉清 調查部曾秉鈺龔士材李之鼎 陳列部龍鍾伊鄒凌沅曹九疇 庶務部徐士龍何如璟

部核粵省墾務情形○農工商部前以墾植爲天然大利查兩粵荒地最多咨請粵督廣辦墾植以資研究當經張安帥飭屬切實籌辦并將各屬違飭籌辦情形處所詳晰具報現大部詳察情形以該督奉文後即能率屬籌辦重要四十餘處辦理尙屬認真而各屬中尤以肇慶一府籌辦最多惟瓊雷素號要荒乃瓊州十餘州縣僅得瓊山臨高兩處籌辦而雷府更全未辦理殊屬緩延應即迅飭切實籌辦并督飭各屬認真擴充改良以闢地利而重要政等情咨請粵督辦理

一 城地仍照耕荒辦法長年僱工耕翻但發給工價論日似不如按畝尙易核實

一 地已耕熟地主自行疊埝則地歸地主耕種否則由場內僱工爲之此地須歸場內管業五年

一 無主荒地耕熟試種確能生長者均須丈量立契

一 一切經費由農會總理查照會章十六條辦理

一 此事應按照莊農治家辦法不得絲毫稍涉浮費

一 辦理各事須隨時商同農會總理轉稟州尊核示祇遵

一 辦理如有成效董事由州尊詳請給獎

一 場內所收物品變價充公之後如有贏餘酌提幾成充賞在場最久且勤之長工

冀州陳列所簡章

一 宗旨 本所以廣儲農產品農用器備莊農叅互比較藉資改良爲宗旨

一 地址 本所擇城內相當之房室爲陳列室

一 分室 本所陳列各物品分農產品爲一室農用器爲一室

一 寄售 凡農產佳種爲莊農所罕有者及改良舊有農器便於使用者皆可以開明價值交由本所出售

一 登簿 所中陳列各物品及寄售之件管理人均須登記於簿以備考查

一 管理 本所設管理一員經管所內一切物品每逢三八集期對於莊農演講關於農事之白話報

一 縱覽 每逢三八集自早十點鐘至午後兩點鐘可以任人入室游覽

一 標明 凡寄售之品均須注明出處及寄售人姓名於各物之上以便隨時訂購

中國華商銀行股份有限公司集股章程

第一條 本銀行擬即呈請 農工商部註冊格遵 奏定公司律銀行通行則例以及中國華商銀行條例辦理

第二條 本銀行商號定名曰中國華商銀行股份有限公司股東應負義務以股本定額繳足爲限

第三條 本銀行總行設於中國江蘇省松江府上海縣上海地方分總行設於南洋新嘉坡地方其餘中外各市

埠視貿易繁盛之區應設分行及代理行由董事會議議決施行

第四條 本銀行所營事業開列於左 一外國信用匯票及押匯票 二中國信用匯票及押匯票 三國債證

券地方債券公司債券及公司股票押款 四國債地方債公司債及公司股票均可代為經理 五各項存款

及儲蓄存款 六妥當押款及貼兌票據 七抵押經法律所設定之財產 八信類靠託事件 九同業及本

地匯劃錢莊或銀號或票號互拆現銀 十兌換金銀

第五條 本銀行之營業年限自 農工商部註冊日為始至後五十年為限但依股東總會決議得以繼續日期

第六條 本銀行擔負關於創辦設立之費用

第七條 本銀行公告等事當刊登中國通行之華文日報二家以上俾眾週知但未設分行之處毋庸刊登布告

第八條 本銀行總資本額定銀圓一千萬圓整 但依股東總會決議得以增減資本

第九條 本銀行總股票額定二百萬股 前項股票每股按先後次序分給號數自第一號起

第十條 本銀行股份每股定銀圓五圓整 前項之銀圓每圓以上海九八規銀七錢二分為標準

第十一條 本銀行股票上載明商號及註冊年月日股分銀額總數並分列號碼填寫股東姓名所購股數銀數

由總協理簽名蓋印及本銀行圖章為憑 前項股票任憑股東要求股數填寫

第十二條 本銀行股份專招華股不收洋股即華人所設立公司或商號之購買本銀行股份者須舉其股東或

經理人為代表將其姓名立册記載其有個人之用記號出名購股者亦須將其姓名照行記册 前項公司以

及商號之股東對於本銀行股份有負聯合出資之義務


第十三條 本銀行股份銀圓分三期收足第一期先收一圓其收期由創辦員酌定布告照收第二期再收兩圓

其收期限在截止招股後之九十天內第三期再收兩圓其收期須俟 農工商部 奏准後再行布告

第十四條 本銀行未經 農工商部註冊立案以前其第一期第二期股分銀圓均由所在商務總會或分會或

股實商號代理經收即存該處銀行或銀號或股實行號均由經收者主裁指定惟指定後必須登報布告

第十五條 本銀行收第一期第二期股銀時先由經收者給發收據至第三期繳銀時即可向經收處換給股票



湖 北 宜 昌 第 三 圖

鄺亮翁粵人也久客澳洲在該處肇啓丕基廣於交遊實華僑之領袖邇者思興鱸膾過回羊石與家人慶叙團圓復於糖城之故衣街門牌念七號夥開仁信藥房其門如市適本局調查人員造訪蒙鄺君將澳洲往事詳細重題遂及韋廉士大醫生紅色補丸一節據云○余寓居加路頓埠者已十又八年矣此埠在澳大利亞之西境余在該埠販運什貨生意頗旺兼售天下馳名韋廉士大醫生紅色補丸英國所出之調血妙藥消流甚大全澳家常之藥

西來新妙



廣東鄺亮翁先生像

以此為最以余見聞所及該埠之人服而愈病者甚夥自我回華之後見中國內地各處均有此丸發售實屬欣慰無暨此乃西來新妙理合傳揚村思此丸近廿年間在外洋各邦經已屢立奇効則其將來之有大造於我四萬萬同胞者無待著龜矣查得此丸為補血補腦之良劑益氣益筋之妙品澳洲之人犯此症者莫不奉之如神明此丸又能立愈積滯不化肝經不和風濕骨痛種種各病此丸功深用廣名實相副故敢表而出之

以為世告凡我同胞廣為傳佈幸甚幸甚○全球之上所售之藥其消傷之大以韋廉士大醫生之紅色補丸為最每逢羣醫束手愈稱不治之症得此丸之力而死裏逢生者以千萬計或向上海九江路第八號加B字門牌韋廉士大醫生藥局採買亦可 每一樽價英洋一元五角 每買六樽價銀英洋八元正 上海九江路B字第八號韋廉士大醫生藥局啓

瑞林祥元記 綢緞洋貨莊

本號開設(北京前門外鮮魚口)(天津估衣街中間路北)(山東濟南府院西路北)等處目置綢緞洋貨顧繡粧疋花素貢絨絨各色抖蓬哈厚呢以及京廣什貨織絨綫貨各色俱全貨高價廉劃一不二中外 紳商賜顧移玉是幸 瑞林祥元記具

北洋灤州官礦公司設立接待處廣告

啓者本公司現時暫任玉皇閣工藝局內附設頭門以內立有接待處凡遇紳商士庶枉顧或繳股款或取息銀均請逕到接待處晤談該處派有妥員專司其事又漁業公司接待處亦附設在內凡來賓因漁業事件惠臨者均一律辦理此啓

啟新 灰洋有限公司廣告



啓者本公司係承唐山洋灰公司老廠另購外洋最新式機器旋窰等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家柏林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

啟新洋灰有限公司磚窰招股滿額廣告

啓者本公司前經登報添招磚窰股本三十萬元截至三月十五日兩個月期限認股業已滿額凡有未交股本務請照章於收股限內繳齊五月十五日以後一律截收此布

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器磁藍 奇巧美術玩器 學界文房用品 旋行携帶等件 精工製身物料
 定織各色蓆氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啓

本局印售各種書籍圖畫目錄

澄衷學堂字課圖說
 天文歌略
 地理歌略
 地球韻言
 小學韻語
 蒙養學堂百課
 最新初等小學國文教科書
 初等中國歷史教科書
 心算初學
 最新初等小學算術教科書
 初等小學算術科書教授法
 忠經
 英文學隅
 東文典問答
 地文學問答
 皇朝政治學問答增校初二編
 節本泰西新史攬要
 筆算教科書
 數學上編
 普通新智識課本
 中等植物教科書
 中學礦物教科書
 高等小學博物教科書
 生理衛生學
 化學教科書
 中學地理中國誌

八本洋二元
 一本洋三分
 一本洋一角五分
 一本洋二角
 二本洋二角五分
 一本洋一角五分
 一本洋四分
 二本洋三角二分
 二本洋一元
 二本洋紙洋五角
 二本洋紙洋四角
 合售洋三角六分
 一本洋紙洋五分
 一本洋二角五分
 一本洋二角五分
 二本洋二角五分
 一本洋五角
 二本洋紙洋四角
 二本洋紙洋三角五分
 二本洋紙洋四角
 二本洋紙洋五角
 二本洋一元二角
 二本洋四角
 二本洋紙洋七角五分
 二本洋紙洋七角
 一本洋二角五分
 一本洋紙洋四角五分
 一本洋紙洋三角五分
 一本洋紙洋二角五分
 四本洋六角

植物學教科書
 皇朝政典學要
 萬國憲法比較一本
 法學通論
 萬國通商史
 新爾雅
 康熙幾暇格物編
 周禮政要
 明夷待訪錄
 普通教科書日提要
 科學書目提要初編
 心算教授法
 萬國公法提要
 甲辰年學報彙編一百種
 乙巳年學報彙編
 丙午年學報彙編
 全年學報彙編
 農學新書三十五種
 日本栽桑捷法
 美國養雞法
 農務述聞
 畿輔輿地全圖
 御製耕織圖
 朝鮮輿地全圖
 地球開闢次序圖
 平圓地球圖
 東三省鐵路全圖

一本洋紙洋二角五分
 四本洋五角
 一本洋紙洋三角五分
 一本洋七角
 一本洋二角
 一本洋三角五分
 二本洋四角
 二本洋三角五分
 二本洋六角
 一本洋二角
 一本洋五分
 一本洋一角五分
 一本洋一角五分
 一本洋紙洋三角五分
 四本洋一元
 五十本洋二元七角
 四十本洋四元二角
 廿四本洋四元八角
 廿二本洋五元六角
 一本洋四角二分
 一本洋三角六分
 六扇屏洋二元
 二册洋五角
 一册洋一角
 一册洋一元
 三十二張洋一元
 一張洋八角

河南洛潼鐵路公司駐津付息廣告

本公司定章每股五元每元週年七釐行息送經廣告現當付息之期所有本埠去年十一月以前所收股款應於去年起息者統限於本年三月內付息各股東務持本公司收據前來支取幸勿遷延再洛潼路棧業經勘定不日開工有願續入股款者請仍赴天津河北中州會館招股處交納可也切切此佈



本行開設天津上海香港志呢華海參歲等處均設有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商九顧者請移玉紫竹林法租界本行面議可也

本行主人啟

平和戒烟醫局廣告

啓者敝同人創設戒烟醫局原屬拯濟爲懷欲將天下人沈疴洗除淨盡無各博施濟衆堯舜不能且爲日甚長的款無着是以原定章程酌收藥資以助經費前因開局以來到局戒烟者固不乏人而因此觀望者仍屬不少故本局公議自二月初一日起至三月底止特贈醫三個月以示普濟之意刻下期限屆滿戒烟者百數十人在局服藥者尙有百數十號成效已着人所共知不待本局贅述也本擬再行續贈特因經費不敷力與心違倘長此不收藥資斷難經久萬一半途而廢是公益之舉不但有始無終亦非本局樂善好施之本意茲復公同再四籌商仍議定照舊章辦理除三月內掛號服藥者仍贈醫不計外凡自四月初一日起來局戒烟之人必須先交藥資十兩如有不能現交者必須覓有妥實舖保力爲擔承方准掛號其煙癮過大用藥較多者隨後核算至多亦不過再取藥資一二十金至癮斷之後捐助本局經費則視乎本人之力量體面耳凡有志戒烟者須知本局收取藥資乃係不得已之苦衷本局設立既久名譽效驗昭昭在人耳目想爲諸君所共悉而共諒也此佈

平和戒烟醫局告白

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 官商照顧頗加獎譽
 茲為推廣招徠起見
 自本年承印各項價
 目格外減讓以副官
 商雅意如蒙賜顧請
 至本局賬房面議可也

本局售報價目

本埠售價官報按日一册每月三十册收價銀六角零購者每册洋銀二分

法政學報十日一册每月三册收價洋六角零購者每册二角

兩種合購每月收洋一圓二角

各州縣報價交銀者除額定銷數照舊收銀九錢外額外分購者統照本埠售價

本局告白刊例

登一日者每字取洋五釐 三日四釐 七日三釐五 十五日三釐

一月二釐五 半年二釐 長年一釐五

以上均按四號字起碼加寬行數照所佔面積計算

登錄商標刻工另議

三號字加半倍 二號字加一倍

工商演說廣告

啓者五月初三日晚八鐘至十一鐘仍在東宣講所內演說工商各項要理並請劉巨川先生續演生財有大道韓鏡湖先生演說發電機之製造與功用紀管濟先生續演銀錢漲落之理李子鶴先生續演商業機關釋務希 各工商屆時 惠臨入聽不取分文特此佈告

天津勸工陳列所啓